

宛陵先生文集

四

宗刊宛陵集



第四十
五十二卷

宛陵先生文集卷第四十

寧陵阻風雨

新霜感

過淮

淮陰

杪樺樹

就野人買兔

使風船

淮陰侯廟

又平律一首

入滿浦

許發運見過

登泰山日觀峯

重過瓜步山

發長蘆江口

龍女祠祈順風

西施

金陵三首

丁頭石

梅集四十一

漫書

閔冢

雪中發江寧浦

登采石山

效阮步兵

阻風宿大信口

早發大信口

黃池月下共酌

泊昭亭山下

送鹽官劉少府

杜太師示書

和酬杜太師

和簽判謝雨迴

和正仲重臺梅花

讀重臺梅花詩

和重臺梅花

和荅正仲見贈

正仲靈濟觀重臺梅

和文鑑言子往還

和荅達觀穎師



題邵氏園姑

嘗正仲惠撥醅

和正仲寄酒

春雨

春夜聞雨

早春田行

寧陵阻風雨寄都下親舊

晝夜風不止寒樹噤未休人言雨寂風雨急風未
柔獨扶慈母要淚與河水流河以有冬竭淚泉長
在眸子生五十二再解官居憂許者母疾亟骨肉
相聚愁憂中無一錢緩急何可求母嘗臨終叮囑
我貧莫壽道宜日六指驗軍貨堅人頭死事定無益
生債且無口以涕聽母言心腸如剝鉤小子雖不

卷四十一

二

令長養日一息酬且夕期速正後事勿預謀願母強
藥食更延一日秋回云莫望我我魂已飛遊語畢
忽大電逝撫膺呼裂喉未能一物備送亂時安投艱
窘日風義乃有令朋儔致賻或錢帛最力李與劉
廷老 崇省及石渠奠助日不周裴楊乞銘蓋文等
原甫 古復酒和梅 酒元明 蔬兩大艦朝索暮泛浮哀憐荷君
子才德慙未恪三日違大梁兩宿此遲留聊書同
些挽試託楚人謳

新霜感

前日衣上露今日衣上霜我母魂何之膏火糜我

腸隔棺三寸地如在萬里鄉
嗷呼不聞聲飲食
置傍昔時憂我寒縫衣
紉線長線長必如絮厚要與
風霜當又每恐我飢羹
臠自調嘗此身內外間真
得頃刻忘舉衣不忍着
舉筋不下吭一念百感生
欲問天蒼蒼

過淮

侍親數數來浮汴護櫬
迢迢復渡淮言昔曾無御
寒具細君唯有隱居釵
月銜遠入魚銜浪潮退長
汀蚌閣崖素服華顛色
相似青銅不忍見形骸

淮陰

梅集四一

三

天下滔滔久馱秦英雄
地鼠寬荆榛少年豪橫知
多少不及沙頭一婦人

抄糶樹

李邑有碑

抄糶古樹常占歲在昔
曾看北海碑今日四方俱
大矣不知榮悴向何枝

就野人買兔

霜濃草白兔初肥
蒼鷓調羔手獵犬携刺
付錢刀買庖餼不須綠
徑更求蹄

使風船

清淮直上水連天
坐看高帆後復前
自是乘風有

遲速不出人力愛爭先

淮陰侯廟

韓信未遇時忍飢坐垂釣歸來淮陰市又復逢惡
少使之出胯下一市皆大笑龍蛇忽雲騰蛭蝓豈
能料三命乃爲將出奇還破趙用兵不患多所向
孰敢標功名塞天地翦刈等蒿藜于今千百年水
上見孤廟路與街葭下魚相呼尚鳴叫高皇四海平
有酒不共酌古來稱英雄去就可以照

又平律一首

漢家天下將廟古像公主百戰自忘楚一時空王

春集四十

四

齊鄉人奏箏鼓舟子賽豚雞不改寒潮水朝平暮
復低

入滿浦

馬頭攬岸斗鸞尾泊船齊風送寒潮急雲藏晚日
低逢人多楚語問客者吳雞雞覓枚皇之宅蒼葭處
處迷

許發還待制見過夜話

許公運國儲歲入六百萬上莫究所來下莫有利
怨十年無纖乏功利潛亦建昨除侍從官聊爲磨
世鈍比於以舌得此豈愧物論較量多少間未足

數劉晏大計苟窘費曷不使預筭欲倍即能倍在
勿感謗訕擾民可以奪食官可以寬要付與權衡
一切出果斷嗚呼任智力長短回有限制財猶制
兵太甚則生亂公譬淮陰侯多多自益辦我今聽
其談夜去為扼腕書之俟采詩咨訪不可緩

登泰山日觀峯并序

予泊瓜步山下夢王景彝問韋應物日觀峯詩予
即誦知語不屬謂景彝曰當為檢韋集覺而亟閱
韋集無此題尚記夢中所誦首句云晨登日觀峯
遂續補之

梅集四一

五

晨登日觀峯海水黃金鑿浴出車輪光隨天行無
蹤正視刺我目攢集如劍鋒照耀萬物興磨滅萬
物凶草木既無命必聞石間松當時一避雨安得
大夫封人而苟不遇抱簡誦六龍

重過瓜步山

魏武敗志歸孤軍處山頂雖隣江上浦鑿崑山巔
井豈是欲勞兵防患在萌穎我昔常登臨徘徊愛
晴景片雨西北來風雷變俄頃疾行下危磴屢脫
不及整霑濡入舟中幼子喜抱頸問我適何之衣
濕不太冷昨暮泊其陽月黑夜正永鴈從沙際鳴

旅枕自耿耿平明夾櫓去廟樹聳寒
雲飄搖水中影

發長蘆江口

篙師施工相整衣龍女廟中來宰牲野祀擊鼓降
神語老鴉銜肉上樹飛長江無風平似餅兩櫓夾
舸行將歸南國山川都不改傷心慈姥舊時磯

龍女祠祈順風

龍母龍相依風雲隨所變舟人請予往出廟旗脚
轉旗指西南歸飛帆疾流電長蘆江口發平明白
鷺洲前已朝膳竹根孟玖不欺人世間然諾空當面

梅集四十一

西施

濺濺溪流散苒苒石髮開一朝辭浣沙去上姑蘇
臺歌舞學未穩越兵俄已來門上子胥目吳人豈
不哀層宮有麋鹿朱顏爲土灰水邊同時伴貧賤
猶摘梅食梅莫厭酸禍福不我猜

金陵三首

恃險不能久六朝今已亡山形象龍虎宮地牧牛
羊江上鷗無數城中草自長臨流邀月飲莫挂一
毫芒

金陵逢曉雪撩亂逗雲來已失烏衣巷還成白玉

臺山盤猶隱見江轉似昭回一聽高樓笛依稀
落梅

每入秦淮口風波更不憂重看後庭樹還起舊時
愁故老都無有遺蹤莫可求何人能識意白鷺在
寒洲

丫頭石

此碑也在金陵西石
岡上有吳文帝字焉

丫頭石雖斷文字未全訛年筭赤烏迹書疑黃象
多幾時經霹靂異代見干戈更與千秋看松煤定
費摩

漫書

梅集卷四十一

十一

蒲葵兩錢扇漫寫未嫌輕老媪持將去無端色不平

閔冢

吳三冊中

盜發廣陵冢及扉開石樞中環走徹道高閣可通
車五尺銅鑄人執兵冠服朱壁石刻位號列侍幽
宮隅殿將將軍屬侍郎常侍俱啓棺見吳三冊班
顏未渝白壁十雙藉雲母一尺鋪黃金塞耳鼻干
歲不腐枯生為貴與富死與人未殊後世逢暴禍
雖久將焉如堯舜及周孔豈不固形軀

雪中發江寧浦至采石

泊舟斫枯葭歎火藝岸傍冒嶺雲冥濛漫江雪飛

揚拖冰脩網澁出水朱鬢殫曠然起遠懷風旣轉
危檣千帆共舞洲攬錯逆水翔落星始前瞻瞬目
已後相鯨魚何時來楊花吹茫茫沙草不可辨鴈
立知汀長山頭化石婦忽變素質光豈復願聞笛
莫逢桓野王

登采石山上廣濟寺

船從山下過直上見僧軒繫纜當磯石綠崖到寺
門短籬遮竹漾危路踏松根却看滄江底帆歸煙
外昏

効阮步兵一日復一日二首

每集四

一日復一日一朝復一昏來新去成故俯仰變涼
溫有貴則有賤未若賤常存駢生慕孤狔黃犬悲
東風禍福相爲基損益不復言吾祖入吳市應龍
非伏轅

一日復一日一晨復一夕四序相盛衰三辰運光
魄下上有常理憂患何時易先爛泣金燃先交歎
薪積但願遠世網焚爛不能責麒麟出非時不免
西狩獲鷗鳥浮洪波心已預海客

阻風宿大信口

東梁如印鷺西梁如游魚二山夾大江早暮潮吸

噓解舟辭姑孰速欲還吾廬風逆未可前泊浦邊
煙墟波中事網罟乘月多夜拏冰灘聚鳴鴈霜後
正踈踈是時昂畢中曠渺天地虛靜坐人已眠我
慮久洗如自起取美酒獨酌邀蟾蜍蟾蜍射白光
入盃亦躊躇醉來不解舞欲攬常娥桂香對謫仙
人此意復在子既醒梨尺素立作數行書索與青
山冢精靈其有諸

早發大信口

犬吠知船解村墟尚閉門霜泥粘纜尾冰水閣潮
痕撇撇鷓鴣去纖纖舴艋昏梅湖到不遠寄信向

梅集四十一

九

田園

黃池月下共酌得池字

將歸謝公郡喜見阮家兒但對月和水那能酒似
池衰形疑鏡照葆髮看怯霜吹宿鴈不堪託鄉人知
未知

泊昭亭山下得亭字

雲中岑半午午潭上樹亭亭久作大梁客八負留小院
醒灘愁江舸澁祠信楚巫靈日暮渡頭立山歌不
可聽

送鹽官劉少府古賢

我初南昌尉時危棄去仙劉郎從宦日天子治平
年燥茗山中火熬波海上煙吳民不為盜唯此境
君權

鄉有好事者出君謨行草八分書數幅中
有聖俞詩一首因成拙句以識二美

太子太師致仕杜衍

莆田筆健與文豪尤愛南昌賦詠高欲使英辭長
潤石每逢佳句即揮毫清如韶護諧音律逸似鸞
皇振羽毛義獻有靈應悵望當時不見此風騷

太師相公篇章真草過人遠甚而特獎後

梅集早

進流于詠言輒依韻和

杜詩嘗說少陵豪祖德兼誇翰墨高蘇李為奴今

侍席鍾王北面使持毫

子美祖審言嘗自謂我詩可使蘇李為奴我書可使鍾王北面

麟作瑞唯逢趾天馬能行不辨毛一誦東山零雨
句無心更學楚離騷

依韻和簽判都官昭亭謝雨迴廣教見懷

賽雨何從事高情苦愛山謝公聯句後

謝公有昭亭賽雨與何從

惠遠過溪間笑處巖相答歸時酒在顏端憂

守窮巷無力共躋攀

依韻和吳正仲屯田重吉坐梅花詩

桃花已滿秦人洞杏樹猶存董奉祠莫怪寒梅獨
多葉只緣樂府有新詩

讀吳正仲重臺梅花詩

此樹在鹽濟王廟

楚梅何多葉縹蒂攢瓊瑰常惜歲景盡每先春風
開龍沙雪爲友青女霜作媒託根通廟堂結子助
鼎鼎吳侯本吳人筆力高崔嵬但詠同姓太子非
梁棟材

依韻和正仲重臺梅花

芳梅何舊舊素葉吐層層近臘寒猶勁先春氣已
承冷香傳去遠靜豔密還增有意常欺雪無功合

梅集四一

上

戊午

鏤冰早煙籠玉暖凍雨浴脂凝漢女新粧薄燕姬
瘦骨稜巖枝唯恐折簇萼似難勝神物終來護江
鄉未解矜獨竒心豈欲寄遠客何曾不見黃鸝度空
防粉蝶凌月光臨更好谿水照偏能盡軸開雲雲霧官
刀剪綵繒都無筆可銜莫信巧堪憑丹杏應多雜
天挑俗所稱故林嘗渴望大庾更愁登重和陽
春曲聲辭猥媿仍

正仲見贈依韻和荅

平生好書詩一意在抱槧既無紋雲劍身世遭黜
黜恥游公相門甘自守恬淡妻孥每寒飢內愧劇

剗憎時賴二三友乞米慰窮憐雖然情懷惡亦未
廢誦覽如自會稽辱欲雪効嘗膽作文持與人百
不得一領聖猶嗜好殊獨取菖蒲歎我愚希六義
將使鬼神感譬彼捕長鯨區區只持罟青天挂虹
霓踴跂不可攀太華五千仞妄學巨靈撼幸且同
蛙黽近樂在井坎蒼髮況種種存非衛髦髮吳侯
琅玕姿而來視亂莢鳳皇五色毛曷美未翅蝻深
夏有正采安用此淺黯乃知叔度陂萬頃見澄澹
孟軻患爲師薄劣亦何敢

正仲往靈濟廟觀重臺梅

每集四十一

三

玉盤疊捧溪女歸魚鱗作室待水擘竹間山鬼入
夜啼古廟久閉誰啓扉屈原憔悴江之圻芙蓉木
蘭託興微賈誼未召絳灌擠香草嘉禾徒菲菲曾
無半辭助訶譏國風幸賴相因依

依韻和昭亭山廣教院文鑑大士喜予往還

山暖春煙重林昏古寺藏谿流過曉漲嶺樹見新
行馬去侵雲蹟風來襲野芳禪衣頻斗藪蠟屐莫
趨躡飛鼠時過擲飢禽或下頰憑欄何所適望堞
正相當捧膳溪童絜齏花鹿女香登臨無險絕不
似畏巖墻

依韻答達觀禪師頌公

霜露每懷感江山空復情老便林室靜坐默巷童
聲盡日都無語逢人亦強迎浮生過半百安用此
虛名

題姑蘇邵氏園居

積水夫差國間居魯叟心石科雲起潤城角竹連
陰鷺入池塘晚花開島嶼深應當効踈傳不惜橐
中金

嘗正仲所遺撥醅

屈原自著漁父篇饋糟不及漁父賢世無功名多

梅真四一

十三

庚子

浪死劉伶阮籍于今傳邇來獨酌邀明月唯有青
山李謫仙謫仙歿後幾百年市樓日沽千萬錢沉
酒豈少當道眠文字不見空月圓吳均之孫何我
憐雙壺貯醅二置前豈乏阮李詩與瘡淺飲強對
春風妍

依韻和正仲寄酒因戲之

上字黃封誰可識偷傳王氏法應真清淮始變醅
猶薄向水新來味更醇欲擬比酥酥少色曾持勸
客客何人紅梅雖是五侯家物老去無心一醉春

酒本王九傳
法於山陽

清淮

春雨

春雨霽霽鳴百舌
林花淡淡洗燕脂
眼前耳底催
人殺不醉三盃大
是癡

春夜聞雨

風味正不寢
驟來寒氣增
簷斜滴野穽
窓缺搖春
燈孺子
睡中語
歸人行
未能前
溪波暗
長定已
沒灘稜

早春田行

風雪雙羊路
梅花溪上村
鳥呼知木暖
雲濕覺山
昏
婦子來
陂下
囊壺置
樹根
子非陶
靜節
老去愛

梅集四十一

十四

原草

田園

宛陵先生文集卷第四十

宛陵先生文集卷第四十一

和馬都官憶西湖

送志來

溫成皇后挽詞

和真上人虎窟泉

種碧映山紅

邵郎中園亭

與正仲遊廣教寺

哭謝公儀學士

和王介甫懷正仲

和季野馬上口占

邵考功遺鱈魚

馬發運求海味

戲呈正仲

春日東齋

吳正仲遺新茶

閑居

和季野見招

和馬都宿縣齋

梅集四十一

吳正仲見訪

昭亭潭上別弟

夢後得中道書

送季野移蜀靈泉

夜夢蒸紫微

和正仲赤日見寄

雨鷺

夏蟲

秋風篇

秋雨篇

中秋月下懷永叔

寄永叔出守同州

陪馬殿院會豐嶂樓酒病呈馬施二公

寄馬御史

詠懷

荅冲雅上人

讀季野芝草篇

送吳季野

表大監挽詞

籬上牽牛花

正仲同諸賓泛池

季野話潛心閣

詠懷

送人入都下

送毛祕校

鳴脚子

依韻和馬都官春日憶西湖寄陸生

時望前湖倚玉梯
雲山橫絕路東西
只知遠目窮
芳草不見高人在
曲隄盡榼尋春應
醉去舊朋懷
昔欲魂迷海邊燕
子來無數願託雙
飛寄短題

送志來上人往姑蘇謁元曹

折取東橋柳青青
向故人欲知問館
處要識舊溪

六一六

梅集四上

二

三

春旋洒銅餅水
休霑野寺塵
吳門逢隱者
必是漢名臣

溫成皇后挽詞

鞏洛園陵啓函
關鹵部聞素車
迎紫氣靈襪度
青雲歌欲傳長
恨人將問少君
明年賀元日無
復繡衣薰

和真上人萬松亭虎窺泉

南岡新路平東
嶺新亭成嶺上
松萬株嶺下泉
一泓松未龍鱗
老泉曾虎跡行
虎去豈不渴松
今豈不生泉無
百尺繩安見甘
與清松無百歲
人安見

千丈柴道人能喻道莫使世人驚我來開醉眼不似阮步兵

種碧映山紅於新墳

年年杜鵑啼口滴枝上赤今同萇弘血三歲化爲碧因移新家傍顏色照松柏

邵郎中姑蘇園亭

公愛樂天池上篇買池十畝皆種蓮薄城萬竿竹
嬈娟藤纜繫橋青板舫折腰大菱不直錢鷓鴣雞
鵝沙際眠水從太湖根底穿月出洞庭山上圓公
歸與客相留連秋風鶴唳春杜鵑班鱸斫膾紅縷
鮮紫豉蕘菘香味全我思白傳在三川吳舫雖有
吳饌偏當時九老各華顛裴令來過吟復睨至今
怪石存舊鐫七葉樹蔭黃金田美公有子勝昔賢
高門通車千萬年

與正仲屯田遊廣教寺

春灘尚可涉不惜澣衣裾古寺入深樹野泉鳴暗
渠酒盃參茗具山蕨間盤蔬落日還城郭人方帶
月鋤

哭謝公儀學士

道路傳聞日驚嗟尚復疑疾因勤學得命不與人

期賈誼年傷少相如恨見遲向來公輔器看取李
家知

依韻和王介甫兄弟舟次蕪江懷寄吳正仲
楚客連檣泊晚風吳人江畔醉無窮少陵失意詩
徧老子厚因遷筆更雄貫信潮千里至平沙落
日一時紅知君兄弟才名大我愧白頭遼水東

依韻和吳季野馬上口占

溪頭三月草菲菲城畔春游惜醉稀莫信杜鵑花
上鳥人歸猶道不如歸

邵考功遺紫魚及鮓醬

三
日
今

梅集四上

四

日

已見楊花撲撲飛紫魚江上正鮮肥早知甘美勝
羊酪錯把蕪羔美定是非

昨於發運馬御史求海味馬已歸闕吳正
仲忽分餉黃魚與蟹醬鮓子因成短韻

前欲淮南求海物緘書未發報還臺陸機黃耳何
時至嬰品分傳事按盃

正仲荅云與蟹醬乃是毛魚耳走筆戲之

未開悞
認其器

折却毛魚一品次吳郎聲屈向吾詩若論紫魚子無
從著冤氣衝喉未可知

正仲詩云鮓黃鮓子出
蘇臺蘇臺非出紫魚也

春日東齋

剥剥禽敲竹薰薰日照花耳中無俗聽眼底有閑
誇迸筍過幽草吹香到別家吾懷方自得切莫問
生涯

吳正仲遺新茶

十片建溪春乾雲碾作塵天王初受貢楚客已烹
新漏泄關山吏悲哀草土臣捧之何敢啜聊跪北
堂親

閑居

讀易忘飢倦東窓盡日開庭花昏自斂野蝶晝還
來謾數過籬笋遙窺隔葉梅唯愁車馬入門外起
塵埃

三三三

梅集四二

五

依韻和季野見招

悲憂如路去無程靜節終朝酒自傾苦苦來招爲
醉伴西山不使伯夷清

依韻馬都官宿縣齋

常愛陶潛遠世緣阮家仍有竹嬈娟夜深風撼蕭
蕭響誰憶北窓人正眠

吳正仲見訪迴日暮必未晚膳因以解嘲

永日無車馬閑坊有竹隣雨中烏帽至門外綠苔
新不殺雞爲具堪題鳳向人山公識墨在知我舊

來貧

昭亭潭上別弟

從來潭上別先賽故山祠却入舟中飲無令盞盡
遲須拚一日醉便作數年期落日馬嘶急岸傍人
散時

夢後得宋中道書

四月十九日

宵夢宋子語晝得宋子書書意與夢語曾不異往
初昔我遭家難逢子亦在廬我南君大梁千里非
隔踈念處天地中天地猶一車日月爲兩轂星辰
隨徐徐晝夜轉不已載之將焉如冉冉趨死鄉萬
古曾無餘其間乃有夢覺實夢何虛何虛亦何實
及盡皆同墟身世旣若此合離休歎諸

送吳季野太博移蜀靈泉先至犍

葦箔蠶齊老桑林葉更生楚禽多異響蜀棧未
堪行客散岸傍席馬還溪上城過都當有問爲語欲
高耕

至和元年四月二十日夜夢蔡紫微君謨同
在閣下食櫻桃蔡云與君及此再食矣夢
中感而有賦覺而錄之

朱櫻再食雙盤日紫禁不重頒四月時澁朗天開雲

霖閣依稀身在鳳皇池味兼羊酪何由敵政下蔬
羹不足宜原廟薦來應已久黃鶯猶在最深枝

依韻和吳正仲赤日見寄

尋常不病眼青白看人多暫見朱成碧難逢扁與
和金笄比舊說在訶子古方磨我自苦風痺思君那
得過

葛洪治赤目醫膜方訶子一枚以蜜石上磨注目中

雨鷺 五月五日

雨鷺去還來喻蟲為鷺食雄雌濕已倦梁棟冷並
息綠礎蚍蜉群於餒蜻蜒翼穀粟滿京囷任從黃
雀得

蘇集四上

七

金言

夏蟲

物久必自化化之猶鷺騰當看厨中蛆去作盤上
蠅飛聲既混雞斂迹何疑冰寄言漆園吏已知鷗
與鵬

秋風篇

秋風白虎嗥長庚光如刀水源縮竅穴木根潛脂
膏啄實已細毳齧枯皆豎毛鬼啼竹籬梢月黑為
朋曹小兒莫畏聲破管偶值藹挂掇青紅蕒拆剖
皺刺韜熟墜存虛房瘦斂由失薈西吹幾萬里乃
起東海濤衡春困龜魚白沫丘岳高原揚爛屋茅

岸裂樅船篙貧門易燕藉遠遊難撐操驅雲朱槩
宮迸雨入楚壕攬空神兵發穿窟垂龍逃唯恐五
色石女媧補不牢擺落缺西北赤子何熬熬常娥
近天箕學簸不學潘欲使糠粃盡撼死千歲桃王
母不敢訴倚日黃人豪自與穆天子終朝醉醅醕
後得漢武帝述以再種勞因之來橫汾作辭心切切

秋雨篇

秋雨一向不解休連昏接晨終窮秋梅生不量仰
天問神官夜夢言語周日月是天之雨日忽然生
醫無藥瘳只知淚滴爲赤子赤子豈悞天公憂天

公哭霽霽酒涕落九州地祇不敢安泥潦已沒頭
乃因從容詰神官后稷今在帝所不從前后稷知
稼穡曾以筋力親田疇曷不告帝且輟泣九穀正
熟容其收早時不泣此時泣憂民欲活反扼喉神
官發怒髭奮虬下士小臣安預謀恐然驚覺汗交
流樹上已聽呼雌鳩

中秋月下懷永叔

有朋無明月秉燭光強去致有月無樂朋獨酌顏
易醉往年過廣陵公欣來我值期玩秋蟾圓靜掃
庭下地復邀高陽公曠作詩準備特特乃多違後

池風雨至一夜看石屏恒吟無逸氣今宵皓如畫
千里嗟離異固知理難并把酒遙相寄

當時出月
石屏同詠

聞永叔出守同州寄之

冕旒高拱元元上左右無非唯唯臣獨以至公持
國法豈將孤直犯龍鱗茱萸欲把人留楚苜蓿方
枯馬入秦訪古尋碑可銷日秋風原上足麒麟

九日陪京東馬殿院會疊嶂樓

誰言天去遠山上有樓臺峯色引谿色共入茱萸
盃行當登泰山雲掃日月開栢烏與城烏兩處休
鳴哀

梅集四十一

九

今注

酒病自責呈馬施二公

李白死宣城杜甫死耒陽二子以酒敗千古留文
章我無文章留何可事杯觴況承先子戒豈不着
口嘗昔聞有田實以此相滅土禮飲不在多歡飲
不在荒二公方逢時安得入醉鄉

宣城馬御史酒闌一夕而西因以寄之御 史嘗留老馬與子僕

三更醉下陵陽峯平明溪上去無蹤义牙鐵鏢謾
橫絕濕櫓不驚潭底龍斷腸吳姬拍如筍欲剥玉
葉將何從短翎水鴨飛不遠船經細雨山重重却

顧舊埒老病馬塵沙
塵盡空龍鍾

詠懷

西方有鳥鼠生死同穴居物理固不測孰言飛走
殊雄雌豈相匹飲啄豈相須一為枝上鳴一為莽
下趨苟合而異嚮世道當何如

荅沖雅上人遺草書并詩

經月不出戶堂一多綠苔忽有方外客衣披稻畦
來來從青山下手把紉素裁筆草數行字瘦虵起
春雷渴墨未散霧犀角麟欲開裝為兩大軸置我
并瓊瑰懶瞋長鬚奴挂壁不掃埃智永與懷素其
名久崔嵬師今繼此學入神在徘徊未料輒以我
便比和羹梅我心常苦酸得姓何可能

讀吳季野芙蓉篇

阮生存詠懷美彼曜朱堂一榮不復枯五色異衆
芳衆芳發朝露俄以斂夕陽丹莖起瓦礫又匪媚
棟梁此稟由至和君子要有常

送吳季野

贈言必有規無規固無言強言苟無補何異秋蟲
喧君行蜀道難不默治輕軒母歿未歸土女長未
出門誰能力為此勞苦游墻藩

袁大監挽詞二首

昔罷宣城守將歸尚撫予躬勤爲開徑慘愴遂登
車告老聞還楚遺榮喜効踈西山忽埋玉松露助
漣如

西蜀何夫子濡毫作家銘遼遼傳耳目炳炳若丹
青罷市知遺愛存祠識舊形生芻莫能置江闕底
滄溟

不向斗牛望已聞風雨哀沉埋太阿劔毀折豫章
材百鍊飽於鍛九層誰起臺平生嗟泯泯逝水詎
重來

百五十二

梅集四十一

七

昌規

籬上牽牛花

楚女霧露中籬上摘牽牛花蔓相連延星宿光未
收采之一何早日出顏色休持置梅窗間染黃
盤羞爛如珊瑚枝惱翁牙齒柔齒柔不能食梁肉
坐爲讎

吳正仲同諸賓泛舟歸池上

輕舟與客歸竹下閑碁局者煮鱸吳味新筍醪楚釀
孰風吹山雨來冷射膚生粟醉昏笑語同不看西
齋錄

吳季野話撫州潛心閣

高閣潛心所圖書曝蠹收青山隨宅轉遠水向門
流迤邐首無厭潺湲聽不休一聞秦洞說便欲泛
漁舟

詠懷

一身頭面間所用蓋有長兩耳主於聰兩目主於
光維鼻主於嗅維舌主於嘗以耳辨黑白以目分
宮商以鼻識酸醎以舌聞嗅香各各反爾用安得
無悲傷此能而兼彼自勞由不量寄言世上人欣
欣蹈其常

東方有野父禳田一豚蹄復操一盂酒祝穀滿吾

三二

梅集四十一

十二

奇

棲百金請救兵所欲奢所齎彼何滑稽生仰天獨
笑齊

自余居田里未免病與貧常把神農書每以藥物
親處方猶持法義比君使且但恨無餘資豈及療
我隣筆頭不中書聊可備急人昨日除吏來吾邦
為長民欲溺復燃灰敗筆前已陳

風驅暴雨來雷聲出雲背若決千仞溪追奔下天
鎧堂堂亞夫軍吳楚不足碎旱氣沃原田煩蒸洗
闌闌深料生注射聚沫猶壅礙青葱草樹鮮斷歿
虹霓在向晚留霽暉天容染新黛

送人入都下

梁雖千里近楚隔九江深田
濕嗟猶劇炎蒸老不
禁高懷雲出沒寄信鳥浮沉君去逢親舊微吟亦
見心

送毛秘校罷宣城主簿被薦入補令

良驥不必大騰羈已超邁良弓不待寒調弦自勁
快宣城古大邑聽訟易聳贖君能決其塞宰與民
共賴自當割雞用刀必無鈍敗嘗聞開元時令長
多賜戒戒石今尚存世異事不肯以此贈行行無
酒勿我怪

存集中

三

昌老

鴨脚子

魏帝昧遠圖於吳求鬪鴨乃為吳人料重玩志已
陋江南有嘉樹脩聳入天插葉如欄邊跡子剥杏
中甲持之奉漢宮百果不相厭非甘復非酸淡苦
衆所狎千里竟賚貢何異真爭噉

宛陵先生文集卷第四十一



宛陵先生文集卷第四十二

八月十五夜東軒

訪懷賢不遇

路詠

書席語送馬御史

代寄鴨脚子

昭亭別施度支

秋日村行

送潘歙州

酬惠柑子

自和寄海歙州

送李逢原

黃國博遺銀魚乾

送天台李令

賽昭亭神

施君挽歌

杜和州寄新醅

送王景憲奉職

送允從還廬山

再和正仲罷飲

送楊綽青州司理

游隱靜山

和正仲見寄

送李南玉

秋日家居

潘歙州話廬山

吳正仲遺蛤蜊

馬都官遺黃柑

懷新安潘侯

避為師和荅獻甫

重送李逢原歸蘇

三和寄潘歙州

李令遺茶

和吳正仲冬至

荅涇尉徐絳

和荅正仲罷飲

讀毛祕校新詩

和諸公尋重臺梅

三和戲示

嘉雪應祈

四和正仲

雪

八月十五日夜東軒

隔竹已見月清光度谿來移影上素壁與我相徘徊
迴是夜正中秋天地霧露開人疑玉兔出藥杵不生
埃嫦娥倚冰輪艷色若自媒它夕豈不好物意
爲之摧

送楊辯青州司理

儒者服褻衣氣志輕王公一落該網中折節長俯
躬山東多豪士片言不可窮青土饒嘉棗無以人
之三

梅集四三

二

潘暉

鈍蒙彼知南楚輕強始必弱終矯志合其情乃是
吾徒通行當問友生爲我舉盃空

隱靜山訪懷賢上人
不遇

松上垂青蔓蒲根瀉碧泉高僧來不見却返五峯前
游隱靜山

心存名山久積歲未及遊將過值風雨路不通馬
牛丁壯四五人籃輦時更休轉谷逢煙火下隰多
田疇偃穢黃壑畝刈麻東盈丘姑覺山門深長松
如騰虬直上百餘尺蒼髯葉脩脩五峯迎人來冷
通臺殿秋石泉出雲中引入舍下流綠源至崑口

崑底魚可鉤天昏碧溪去果熟青猿偷草樹不盡
識自起詩人看濺濺澗水淺苒苒菖蒲稠菖蒲
花已晚菖蒲昔尚柔靈根采九節試共野僧求
逡巡能致之衰疾無甚憂昔聞有釋子渡江用
盃浮棲心向茲地理骨在林陬駁陰漏斜光徒
欲窮巔幽夜還南陵郭幾落猛虎喉

路詠

五里十里銷磨盡千蹄萬蹄來往蹤古今不是不
經歷踏破青山重復重

次韻和吳正仲以予往南陵見寄兼惠新

梅集里

三

河海

醞早蟹

我念仲氏疾走轂不暇膏火處田園閒風日慣犯
冒暮過春穀溪亭長或前勞乃心在手足豈得事
請造邑僚相哀憐曾未日簡傲朝夕論藥品況是
素所好頗能識精麤固靡窮突奧吾親日倚戶西
首只待報不知羸茶劇飲餌須論道子既平憂已寬
勝境思一到原田經秋霖步履復畏宿潦山中趣多
幽松下淨不掃言歸尚泥塗雲綻喜暫曝還將奉
談笑近已逢問耗入門得寄詩欲覽整白帽酒壺
及霜斲致饌知談操豈同里中俗唯罪往不告醉

來夜揮毫明月為絕倒

書席語送馬御史

天意漫漫物自供聞香能至是喧蜂野人割蜜不
須盡留與寒脾作御冬

送李南玉

小人貧於資君子貧於時小人富於貨君子富於
辭貧雖同寒飢富不同路岐彼富歿則已此富名
不移丈夫事百變未死安可期明明趨財利莫卹
前人嗤舉家如春蠶仰食不可逢況念宿債窘何
愧賤士為買臣嘗負薪相如猶滌卮君思此二人

五九二

梅集四十二

四

春

信吾言不欺邇者有趙壹窮憤自興詩乘驥抱美
玉樂與和未知古來鮮逢遇後世無苦志
代書寄鴨脚子於都下親友

予指老無力不能苦多書書苟過百字便覺筋攣
拘京都多豪英往往處石渠作書未可周寄聲亦
已踈後園有嘉果遠贈當鯉魚中雖聞尺素加餐
意何如

秋日家居

移榻愛晴暉倏然世慮微懸蟲低復上鬪雀墮還
飛相趁入寒竹自收當晚闌無人知靜景苔色照

人衣

昭亭別施度支

昭亭送客地來往四十年常視松端日每稽潭上
船風移虎旗脚寒入牛童肩待訪名山去相期廬
阜前

潘歙州話廬山

潘侯話廬山落落尤可伏初云江上來遠見雲中
瀑捨舟到雲外觀瀑已崑麓往往逢平田攢攢愛
深木竹門懸徑微源水陰藤覆坐石浸兩腋炎膚
起芒粟夕陽穿萬峯高下相出縮尋常香不分似

五十四

梅集四十二

五

良

板煙嵐畜絕頂水底花開謝向淵腹風力豈能知
日氣豈能暎攬之不可得滴瀝空在掬之昏投僧
居孤燈望溪曲忽聞清磬音漸近幽林屋止侯休
多談已滿我心目懷游二十年夢寐今固熟何當
借輕舸一往如飛鷲

秋日村行

谿霧晝又收山村夜初晦飢禽來往飛遠樹青紅
絳原上楚牛童屋頭吳婦碓雞肥酒已熟野老邀
同輩

吳正仲遺蛤蜊

深緣常爲泥，錯認吳鄉傳。入楚與新羅，前已奪。整味當日純，羹在對。

送潘歙州潘過宜城而送之

一見新安守，便若新安江。洞澈物不隔，演漾心所降。遠指治所山，已入隣齋窻。捧輿登南嶺，策馬懷舊邦。養親將爲壽，傾甘抱玉缸。觀軍將勞士，饔肥堆羊腔。下車談詩書，上世擁旄幢。勿窺淵游鱗，無吠夜驚鴉。他日聞課第，天下誰能雙。

馬都官行之惠黃柑荔枝醋壺

六 霜甜甘熟烘日，身功枝美橘柚示爲精。葡萄安可

三

六

賤士而後，副醅醢或乞自諸己。豈唯享遠味，終得爲直矣。郭璞贊云：椒包於柚，精者唯甘。魏文曰：甘柚方氣，能張荔枝，實比西國葡萄，有石變。

前以甘子詩，謂行之無食，乃綠橘也。頃年襄陽人遺甘子，辨是綠橘，今反自笑之。

昔辨荊州侯，今爲越叟迷。黃甘與綠橘，正似琉璃走。新安潘侯將行，約游山門寺。予以淨潭，遂止。因爲詩以見懷。

蒼山自爲門，呀豁異鸞門。鑿路通石壁，盡潦起田畦。厓傍嶺有結，虛澗潭淨於鑑。聞之固欲往，夕雨濕

泥塗莫陪太守車然諾豈誑賺遙遙橋上去望望
馬猶站畏滑不肯行非關惜鞵鞵

依韻自和送詩寄潘歙州

潘侯擅詩筆五色神授江世家有太勲佐舜同尾
降子孫逢太平少小事書窻源流本慷慨吐論皆
經邦量猶函牛鼎吾徒媿罌缸開口必典實省腹
唯空腔作者過我門應笑無戟幢窮老在弊廬何
異守戶猶有心希買交白壁無一雙

避爲師依韻荅李獻甫

蛟龍養鬣鬣當在浩浩淪虎豹養文采當在薤薤

三十一

梅集四十一

七

春

此心
我無太山高我無滄海深斗水與堆阜恐未慰

送李逢原

補衡負其才沉沒鴛鴦洲李白負其才飄落滄江
頭後亦多効此才薄空羈囚文章本濟時反不能
自周吾嘗戒吾曹慎勿異爾流臧倉毀孟軻桓魋
迫聖立雖去推之天未免皇皇求吾今重子學無
力薦公侯行當思吾言非教子佞柔

重送李逢原歸蘇州

吳客歸從楚霜華着馬蹄倦童持弊橐呼艇過寒

谿索冥區中飯依俦日午雞張儀猶舌在不必愧
於妻

黃國博遺銀魚乾二百枚

乾若會稽筍色比荊州銀熟宜煨栗火飲助擁爐
人低陰欲飛雪酒微生頰熱海上使方來多饒不
爲餐

三和寄潘歙州

昔固聞陸海今復有潘江文章吞時英光芒瞻星

降

爾雅曰降
婁奎婁也

如游太室陽仰見玉女窻高才生大國

試政來遠邦道傍一相顧冰壺臨瓦缸逸驥美

二百九十一

梅集四十一

八

唐思恭

醜肉老癯慙瘦腔藻詠荅下俚玉鈴鏘寶幢尋言
不悟言自笑赴塊犹終知將門豪射鵬常貫雙

送天台李令庭芝

吾聞天台久未見天台狀去海知幾里去天知幾
丈峯嶺隱與出品壑背與向雲雷反在下泉瀑反
在上幽深無窮窺杳眇無窮望至險可悸慄至怪
可駭喪石橋寧長弓跨絕絃未放當時白道猷平
步入青嶂去爲六百石亦見志所尚子欲廣異聞
可以一尋訪

李令將行返遺以茶

宏詞郎姑蘇住千千蛛母絲繩度誰將爲壽不肯
收上馬慨然如脫兔獨持茶弗過江來已把贈人
空手去雨雪綏綏出楚關我無魯酒徒相顧

十一月十二日賽昭亭神

冷雨凝雪未成雪潭空魚寒歸石穴長篙扣穴倩
鯉魚寄信山頭來莫設魚傳水鳥飛上山山大槎
槎乾吹咽旋灰起角巫鼓鳴漆俎銅盤顫牲血瑟
琶嘈嘈神降言福汝祐汝無災孽西向啐飲東向
迴谿心却望山崔嵬

依韻和吳正仲冬至

梅集四十一

九

金本受

流光冉冉即衰逢物趣迴還似轉規長景已知今
日至孤懷不比少年時阻陪上閣駕鸞後且與南
州父老期況有春禾新酒熟百分休放手中卮

施君挽歌

哀鐸悽悽裏銘旌杳杳中澗雲銷總帳山雨入蒿
宮世路行來久泉途去莫窮素吟應共葬并飲韻在
松風

涇尉徐絳於其廨得魯公破碑二十六字
近又於碑陰得二十八字寄予及吳正仲正
仲有詩答亦答之

顏公忠血化爲碧顏公竒筆留在石十存三四復
不完完者推摸少稜壁許昌斷碣稱最佳已經田
火侵鈎畫今復涇山好事人別識偶得從糞礫青
天雲破星辰明牽牛半沒河叙白日來翻覆又覩
字又苦堙埋窟蝼蝮碑身上下亡八九況乃龜趺
與螭額不知歲月紀述由具卿二字如新蹟螭頭
缺獻齒鷲尾斷斬玉摧金覓蕪藉顏公名與喬嶽
齊置在窮鄉猶弃擲孤城野鬼多神靈守此墮殘
應自惜不虞發掘出幽沉泣雨霏霏愁向夕羶敲
墨刷將寄誰不付驚鴉付鸞駟鸞飛萬里編八

荒豈止持傳吳楚客中郎有孫能此書要官木刻
輸金帛方爲大尹雖少閑得之究玩如轂多我鬢
蓬然兩眼花欲學辛勤定無益人生愛留身後名
立勲書史冊 終知有磨滅至剛可銷堅可折欲
圖億載安所設世上轉頭方耳熱

杜和州寄新醅吳正仲云家有海鮮約予
攜往就酌逡巡又云幙中有會且罷此飲
淮南寄我玉醅酒白蚶海月君家有欲持就味明
日期窮羹羹易覆已反手從事開筵不可辭燕脂秀
臉羅前後長頸善謳須贖謳只恐老來歡意休

依韻答吳正仲罷飲

君辭子家傾蟻醕自有嘉味須持來青箋絡餅方
出戶紅粧侑席已邀杯窮愁一飲猶闌分側望羣
賢不可陪靜坐紙窓無所得只將文字眼前堆

送王景憲奉職

清羸將家子苦節自寒儒四壁我何有一錢君亦
無下灘舟自急聞鴈日將晡行愛青山口人煙事
網罟

讀毛祕校新詩

毛公明於詩其系宜善續前示五長篇六須傾幾

梅集四十一

十一

合編

曲豈特元和間效唾成珠玉

送允從上人還廬山

山高雲在下諸壑藏半空千重萬重翠正望落日
中不知野僧歸石徑寒易通松間無人掃墮葉如
斷髮獨行逢暮寒衣裂溪上風

依韻諸公尋靈濟重臺梅

梅要山傍水次栽非同弱柳近章臺重重葉葉花
依舊歲歲年年客又來雖愛千枝竟繁密還嗟短
髮已衰頽郎官博士留車騎擁蔽脩篁為所開
和正仲再和罷飲

吳味期君強飲開楚醅因我破愁來何言合美將
虛館却憶爭妍就捧杯夜霰已先庭雪集單衣難
與羣裘陪踐盟幾欲驅車去塵事無端日日堆

和韻三和戲示

琴箏畫蛤瓦缸醅海若淮壖各寄來將學時人鬪
牛飲還從上客舞娥杯蓬蒿自有蔣生樂珠翠寧
容鄭氏陪莫計暄寒與風雪古來黃土北邙堆

成與盧子幹同事馬融融後堂
有珠翠之會康成不得預焉

嘉雪應祈呈權郡通判

臘近夕殘雲未合江南青壠麥休肥誰將太守隨

百九下

梅集卷四二

三

浙

車雨一夜從風作雪飛

依韻四和正仲

四和還如九醞醅更醇更美未嫌來相逢莫作兩
般眼一飲不辭三百杯嵇阮當時無俗慮山王雖
貴亦能陪如今世態尤堪薄只把官資滿眼堆

飲鄭云自旦至
酒二百餘杯

雪

朔雲生晚兩臘霰集狂風不數花多出安知天更
工漫階夜已積萬物曉初蒙誰憶新豐酒乘驢灞
水東

宛陵先生文集卷第四十二

本集四

三

